

جريدة محاكم

جمعه ايرتسي

نومرو	ذى الحجه	سنه	ايلول	سنه	صحيفه
۲۶۸	۲۱	۱۳۰۱	۲۹	۱۳۰۰	۲۱۰۹

اشبو غزته بهر هفته جمعه ايرتسي كونلري چيقار سنه لکی در سعادت ایچون مجیدیه
 یکر می غروش حسابيله التمش غروشدر طشره لر ایچون اون بش غروش پوسته اجر تی ضم اولنور بهر
 نسخه سی ینه مجیدیه یکر می غروش اولق اوزره یوز یاره به هر یرده صاتیلور درج اولنه جق اعلاناتک
 هر برندن بر مجیدیه اخذ اولنور سنه لکنه مشتری اولق استیانلر عدلیه نظارتی دائره سنده کاش
 جریده محاکم اداره سنه مراجعت ایللیدر

قسمت سی

توجهات عدلیه

محکمه تجارت ایکنجی مجلسی اعضا سندن عزتلو
 اسکندر افندی به رتبه ثانیه صنف متمایزی
 توجه بیورلمشدر

ملانیک استیناف محکمه سی باش کتابتنه بدایت
 محکمه سی باش کاتبی محمود شا کر افندی
 حلب بدایت محکمه سی مستنطق اولا لکنه حسن رضا
 افندی

(اخطار)

جریده محاکم عید اصحابه تصادف ایدن هفته
 ایچنده بالطبع اخراج ونشر اولنه مامشدر

(تصحیح)


ایکیوز التمش یدی نومرولی نسخه مزک
 ایکنجی صحیفه سنک ایکنجی ستونک سکرنجی
 سطرنده (اعلاناتک) دنیله جک یرده ترتیب
 سهوی اوله رق (اعلاناتک) دنیلکله تصحیح
 اولنور

قسم غیر رسمی


(هیئت اتهامیه مضبطه لر به محاکمه ضبطنامه لرینک)
(صورت تحریر و تنظیمه دائر اولان مطالعاتک)
(مابعدی)

بو خصوص قانون شناسان عندنده اول درجه ده بدیدرکه مستنطقق مأمورینده بولنان اعضا قبل المذاکره محکمه استینافک بشقه برادره سنه نقل ایدلمش اولسه بیه تحقیق ایتمش اولدیغی ماده نیک هیئت اتهامیه ده اجرا اولنه جق مذاکره سنده اعضا صفتیه حاضر بولنسی اقتضا ایدجکی وحتی هیئت اتهامیه نیک سائر اعضاسی مثلوه بعدالاتهام حاکم و یارینس صفتیه محاکمه سنه داخل اوله بیه جکی فرانسه محکمه تمیزینجه مقرردر . انجق بو صوک شق بزده جاری اولان تشکیل محاکم اصولنه نظراً تسلیم اولنه من . معلوم اولدیغی وجهله فرانسه ده جنایاتی رؤیته مأمور اولان محکمه ایکی به منقسمدر . برنجیسنه (زوری) نسیمه اولنور که بوقسمی ترکیب ایدن وقرعه ایله احاد ناسدن انتخاب اولنمش اولان اعضانک وظیفه سی محاکمه بی استماع ایتدکدنصکره منمک مجرم اولوب اولدیغنه قرار ویرمکه منحصر اولوب ایکنجیسی ایسه منمک بوسورتله مجرم اولدیغنه (زوری) طرفندن قرار ویرلدیکی حالده تحدید جزاسنه مأمور اولان و محکمه استیناف اعضاسندن مرکب بولنان قسمدر . بوایکی قسمک مکلف اولدقلمری وظیفه اقتضاسنجه بینلرنده برکونه ارتباط اولدیغی حسیله بر مجرمک اتهامنده بولنان اعضانک ایکنجی قسمه داخل اولنسنده

سلانیک بدایت محکمه سی مستنطقلغنه رستم افندی حلبولایتی داخلنده کائن انطاکیه بدایت محکمه سی باش کتابنده فؤادیک سیواس ولایتنه تابع توقاد سنجاغی بدایت محکمه سی مستنطق معاوندکنه حسن افندی مرعش سنجاغی بدایت محکمه سی ضبط کتابنده احمد افندی تعیین قلمشدر



طر بزون ولایتی داخلنده کائن اوف قضاسی نائی و بدایت محکمه سی رئیس اولوب سوه حالیه خلاف قانون حرکاتدن طولایه تحت محاکمه به النمش اولان عثمان ثابت افندیک طر بزون محکمه استینافیه سنجه جریان ایدن محاکمه سی نتیجه سنده حرکات واقعه سندن طولایی سکرماه حبسنه قرار ویرلمش اولدیغی محلی عدلیه مفتشکندن نظارت جلیله عدلیه به اشعار و انبا ونظارت مشار البهادن مقام عالی مشیختیناهی به معلومات اعطا اولنمشدر



بغداد ولایتی داخلنده واقع دلیم قضاسی نائی و بدایت محکمه سی رئیس احمد جیل افندیک حقدنه اسناد اولنان ارتشادن و مستنطق سید احمد و معاونی طه افندیلرک وظیفه مأمور بیلرینی سوه استعمال بیلرندن طولایی تحت محاکمه به التملینه جانب نظارت جلیله عدلیه دن مآذونیت ویرلمش و اجرا قلنه جق محاکمه لرندن حاصل اوله جق نتایجک دخی اعلانی امور طبیعه دن بولنمشدر



بربأس کور یله من چونکده حقیقت حالده تحدید جزا قضیه سی تحقق ایتمش اولان بر فعلک قانونده مصرح اولان جزاسنی تعیینندن عبارت اولدیغی جهتهله بوکا مأمور اولان حاکم ایچون معلومات سابقه نیک اولباده برکونه تأثیری فرض اولنه من . حالبوکه بزم تشکیل محاکم قانونی اقتضاسنجه جنایت محکمه سی بوکبی تقسیماته تابع اولیوب حکام موجوده منمک هم مجرمیتسه و همده لدی الحاجه تحدید جزاسنه قرار ویره جکنندن بر حاکم معامله اتهامیه سنده بولنمش اولدیغی کیفیتک محاکمه سنه نه اعضا ونه ده رئیس صفتیه داخل اوله میه جغی درکاردر

ایکیوز اون طقوزنجی ماده نیک عباره سنه کوره مستنطقق مأموریننده بولنان اعضانک قرارنامه اعطا ایتبوب اوراق تحقیقیه بی مدعی عمومی به تودیع ایتمکله اکتفا ایتسی لازم کله جکی اکلاشیلور . شوالده قرار نامه دن بحثه محل بوغیسه ده اجرا آت واقعه جهه مثلا توقیف مذکره سی اعطاسی کبی تدابیر منخذه دن طولایی ظهور ایدجک اعتراضات و شکایاتک مرجع رؤیتی جای بحث اوله بیلور . هر تقدیر بو بولده تعیین اولنان مستنطق هیئت اتهامیه نیک وکیل منتخبی اولدیغی جهتهله اتخاذ ایدجکی تدابیرک هیئت مذکره به طائیدی قابل انکار دکسه ده بوسورتله وقوعه کله جک شکایات و اعتراضاتک هر حالده هیئت اتهامیه ده تدقیق لازم کلور . چونکه اصول محاکمه جزاییه نیک قواعد اساسیه سی اقتضاسنجه بر محکمه هیئتندن صدور ایدن قرار لرک بالکنر محکمه تمیزه عرض اولنه بیه جکی درکار اولوب بوخسه مستنطق صفتنده بولنان بر حاکم منفرداً اتخاذ ایتمش اولدیغی تدابیر ایچون

بو طریق مفقود عد اولنور استماع اولنسی اقتضا ایدن شاهدلرک آخر محمله مقیم بولنملری حالنده مستنطقق مأمور بیتی ایضا ایدن اعضانک اول محاکم تابع بولندیغی درجه اولی محکمه سنک اعضاسندن برینی لاجل الاستماع تعیین ایدجکی ایکیوز اون طقوزنجی ماده ده مسطور ایسه ده بو وجهله تعیین اولنان اعضانک عهده سنه موقت و غیر موقت توقیف مذکره سی اعطا ایتک حق و صلاحیتک تودیع اولنوب اولنیه جغی خصوصنک مسکوت عنه براغلمش اولسی بر مسئله قانونیه نیک تولدینی موجب اولمشدر شویله که مفسر لر دن بعضیلری تصدیق ایتک اقتدار نیک طریق و کالتله دور اولنه میه جغی قاعده اساسیه سنه نظراً مستنطق صفتنده بولنان هیئت اتهامیه اعضاسنک بدایت محکمه سی اعضاسنه ایجاب ایدنملری توقیف ایدرک مآذونیتی ویره میه جکنی ادما ایدرلر . بشقه لری ایسه شورایک مستند علیهی اولان قاعده اساسیه نیک مطلق ایدوکنی انکار ایله برابر حقوق عمومیه نیک محافظه سی ضمنده جریان ایدجک تحقیقاتک بو صلاحیتک دورینه مساع کوسترلسیله چوق کره نتیجه سز قاله جغی بحق درمیان ایدرک عکسی صورتی ترویج ایدرلر بوایکنجی رأی فرانسه محکمه تمیزینک قرار یله مصدقدر

مستنطقق مأموریننده بولنال اعضانک ایجاب ایدنملرک جلب واحضارنده و موقت و غیر موقت توقیف مذکره لرینک اعطاسنده سائر مستنطققک تابع بولندقلمری قواعد و اصوله توفیق معامله ایتکمه مجبور اولدقلمری مستغنی قید و ایضا حدر . مثلا استنطاق اولنماش و حقدنه برکونه دعوی وقوعه کلامش اولان بر شخصک توقیفی امر ایده من .

رأساً تحقیقات و تدقیقات اجرا سنه دأر هیئت اتهامیه نك حاز اولدیغی مختاریت حقنك استعمالی مجبوری عد اولنه من اخبارات واقعه اوزرینه هیئت مذکوره تحقیقاته تشبث ایدوب ایتمامکده مخیردر . برده هیئت اتهامیه نك بووجهله اولان مختاریتی اجزاسندن بولندیغی استیناف محکمه سنك دأره حکومتی داخلنده ظهور ایدن جنایاته متعلق اولوب یوخسه دأره مذکوره خارجنده اولان وقوعانه نصورتله اولور ایسه اولسون مداخله ایده من مکرکه جرایم مشترکه اولدیغی ظاهر اوله

اصول محاکمات جزایه قانون موقنك ایکوز یکریمی برنجی ماده سنه جریان ایدن تحقیقاتدن مذنون علیک لوا بدایت محکمه سنه و یاخود محکمه استینافیه ارسالی ایجاب ایده جکی تین ایتدیگی حالده هیئت اتهامیه نك ایکوز اون اوخچی و ایکوز اون دردیجی و ایکوز اون بشجی ماده لر و قضا بدایت محکمه سنه ارسالی لازم کلدیکی صورتده ایکوز اون ایکنجی ماده احکامنه توفیق حرکت ایده جکی و بو حالده مذنون علیه توقیف اولنش بولنور و جنحه سی دخی حبس جزاسنی مستلزم اوله بیلور ایسه ختام محاکمه به قدر محبسده قالمه جغی و ایکوز یکریمی ایکنجی ماده ده دخی مذنون علیه محکمه جنایته کوندرلدیکی تقدیرده مدعی عمومینک برقطعه ادانامه تنظیم ایلکه مجبور اولدیغی واشبو اتهامنامه ده اولا اتهامه اساس اولان جرمک ماهیتی ثابا وقوع حال و جزایی تشدید و یا تخفیف ایده بیله جک اسباب و احوال تفصیل و تشریح و مذنون علیه امم و حالی بیان و تصریح اولنه جغی و نه پایتنده وجه آتی اوزره خلاصه ایدیه جکی یعنی (بناء علیه فلان کسنه فلان قتلک و یا فلان سرفتنک و یاخود فلان جنایتک) شو صورتله فاعلی بولنقله

اتهام اولنشدر دنبله جکی مسطوردر بوایکی ماده لر دن برنجیسنک مألنه کوره جنحه دعوالرند، هیئت اتهامیه اخذ و گرفت امری و یرمک ایجاب ایتیب اکر مذنون علیه حبسده ایسه تخلیه سنه مساعده اولنسیله اکتفا ایدیه جکدر

(مابعدی وار)

محکمه تمیز اعضاسندن

شهباز

(محاکمه نك علانیته کی فوائد)

قوانین عدلیه نك حقوق عبادی تأمینه و اساس اسایش بلادی تحکیم و ترصینه نه درجه ده خادم اولدیغی مندرجاتنی حقیله مطالعه و تدقیق ایلینلرجه معلومدر

قوانین مذکوره نك تعیین و تعریف ایلدیگی اصول محاکماتدن بریده محاکمه لک صورت علنیه ده اجرایی ماده سیدرکه بونک اشتمال ایلدیگی فوائدیک چوق و فوائد من بوره ذاتاً اربانک مجهولی اولدیغنه شبهه بوقدر مع مافیله بوقاندری نینک هرکسه لازم و بلکه لازم و حالبوکه بر ماده قانونیه نك علت غاییه سی سطحی بر مطالعه ایله اکلایشیه بیلسه ده علت وضعیه سنی بولمق ایچمه دوشمنکه و استفادده دخی علت وضعیه بی اوکر نکه متوقف ایدوکی غیر مبهمدراشته شدیلک بحث اتخاذ ایلدی بکمز شو علانیت محاکمه قضیه سی قانونده شویله کوسرلشدرکه (هر دعوانک محاکمه سی علنی اوله جق و علنی اولیان محاکمات کان لم یکن حکمنده طوبیله جقدر) دینلشدر بونده علت غاییه محاکمه نك علنی اولسنی تأمین مقصدندن عبارت کورینه یورایسه ده علت وضعیه سی یعنی بوقید و اشارتدن واضع قانونک مقصدی و مقصدینک اسباب موجهه سی

نه اولدیغی بیلند بکجه علانیت محاکمه دن تمامیه استفاده اولنمیه جغی مسلدر

چونکه بر جوهر کرانها قیمتی بیلینلردن برینک النه یکمش اولسه آتی بوق بهاسنه صاتمقدن بشقه برشیته موفق اولمیه جغی دلیل ارا نه سندن مستغنی و ماهیت و حقیقی و اسباب موجهه سیله صورت استعمال بیلنیا هر شی بوقیلدن ایدوکی بدیدر

حاصلی بر ماده قانونیه دن استفاده آنک وضعندن اقتصاد اولنان اسباب نه ایسه دوشنوب بولمق و اکا کوره اکلایشیه جق صلاحیتی حسن استعمال ایتک ایله ممکن اوله جغی امر جلی و بنا برین محاکمه ده علانیتک مشروط اولسننده کی مقاصد و فوائد دن بحث ایلک دخی متعندن غیر خالیدر علانیت محاکمه اصول محاکماتک بجه سنه اساس دینلسه بچادر زرا محاکمه علنی اولنسه سائر اصول محاکماتک صورت جریانی مستور قالمه جغی جهته له هیچ برندن تمامیه استفاده اولنمیه جغی هو بدادر محاکمه خفی اولسه هیئت محاکمه نك اصول محاکماتنه رعایت ایدوب ایتدی بکنی کندولر بیه طرفیندن بشقه کیمسه بیه من بلکه جاهل و غافل اوله بیله جک طرف و یاخود هر ایکی طرف دخی فرق ایده من مثلاً هر فرد حقوقده مساوی اولسنه مبنی هیئت حاکمه رتبه و مأمور بته و درجه قدر و حیثیه باقیه رق طرفین متخصصین حققرنده معامله متساویه ده بولنمق لازم ایکن بر طرفی ذی رتبه و صاحب حیثیت و عالی رتبه دردیله اوست طرفه و دیگرینی عوامنددر دیه الت یانه اوتورتمق کی برینی توقیر دیگرینی تحقیر بوللو معامله ده بولنسه اغلب احتمالدرکه عوامدن اولان طرف معامله نك متساوی اوله جغی بیه بیه من هیئت حاکمه طرفیندن برینی التزام و اکا دعوائی قزاندیره جق سوز سوزیلکی افهام ایدر صورتده

اداره کلام ایلسه ده فرقنده اوله من اولسه دخی اشکتا عن الحکام ایتک ایچون او معامله بی اثبات ایتیمی ممکن اولنر چونکه مشتی عنهم اوله جق هیئت حاکمه دن واصل خصمندن بشقه کیمسه نك اولدیغی بر محکمه ده جریان ایدن محاکمه نك فسادینی نه ایله اثبات ایده بیلور . اوله بر فسادلی محاکمه نك ضبط ورقه سی دخی مشکتینک لهسنه خدمت ایده میه جک بر صورتده اولسی طبیعیدر لکن محاکمه علنی اولور سه نه صورت محاکمه به ونه ده ضبط ورقه سنه فساد قارشمینک امکانی مفقود چونکه لدی الحاحه صورتی اخذ اولنمیه جک ضبط ورقه سننده کی فسادات و مبیاناتی و طرفین حققرنده هیئت حاکمه طرفیندن وقوع بولان معاملات و حرکاتی اثبات ایده جک سامعین محاکمه موجوددر فوائد علانیت محاکمه دن بریده هیئت حاکمه نك تمامیت عدد قانونیسنی تأمین ایلکدرکه محاکمه علنی اولسه هیئت حاکمه نك تمامیه اجتماع ایتیرلک و یکدی بکرینه امنیت و تودیع و کالت ایدرک بعضیلر نك مذاکره ده بولنقله اکتفا ایلسی قابل و فقط محاکمه نك علانیتی خلقه قارشو مجموعی کورنمک لزومی هیئت محکمه به حس ایتدر مکه کافل ایدوکی رونموددر محاکمه خفی اولسه برمدیونک دینی و یار مجرمک جرمی اقرار بولنده وقوع بوله بیله جک افاداتی ضبطدن صکره انکار ایدوب یا کلس ضبط ایتدیرلدی دیه برده هیئت حاکمه به غرض و یا صحابت اسنادی کی حالرده بولنسه ایشک تیرلنسی ایچمه مشکل و بلکه مستحیلدر انجق محاکمه علنی اولدیغی حالده بویله برشیته ده میدان قالمه جغی ازاده دلیلدر علانیت محاکمه نك شوقانده سیده و ارکه مجلس محاکمه مهابت و هر طرف سویلیه جکی سوزلرده تمکین و منانت کوسرترده حشویات و زوائد مقالات ایله تضییع


اوقات ایدلز و افادات حشویه و قوعبوله حق اولورسه منعندن رئیس محکمه چکنز بر فائده عظیمه دهاوردرکه اداره محاکمه وظیفه سیله مکلف اولان رئیس محکمه اصول محاکمه بی تمامیه اجراییه قید ناموس ایله مجبور و عکسی حالنده اقتدار سز لقله مشهور ویرینه دکریسی مأمور اولور فائده لردن بریده سامعین محاکمات مقتدر بر رئیسک اداره ایده جکی محاکمه ده اصول محاکماتک اکثر یسنی کوره جکرندن محاکمه یه دوام ایدن سامعینک استعداد لری نسبتنده آز چوق اکتساب معلومات ایده جک لری درکاردر

محاکماتک اکثر یسی خلقه درس عبرت اوله حق مواد مهمه بی دخی ابراز وارانیه ایده جکی جهتله محاکمه نک علانیتی بونقطه دن دخی فائده بخش اولدیغی آشکاردر حتی ممالک متمدنه نک اکثر یسنده جریان ایتمکده اولان محاکمات علنیه بی استماع و تخریر و مطبوعات واسطه سیله نشر ایچون اوراق حوادث اداره لرنیک محکمه لره محرر مخصوص دخی کوندر دکاری بیدار در بزده ده بویله اولسه اصول محاکماتک فعلیاتی تصور وهر کسی شو اصول محاسن شمول ایله معاملات واحکام قوانیندن خیرایده جک شو تدبیر عمومه مستلزم نفع کثیر و علی الخصوص بر محکمه ده جریان ایدن محاکمه علنیه نک واسطه مطبوعات ایله نشر و اعلان صور جریانیه سی او محکمه نک درجه انتظامیه لر یسنک مقدار اقتدار ینی دخی تعیین و تقدیر بر محکمه نک انظار عمومی به چاره حق قصوری دیه محکمه لری تحذیر ایلیه جکی امر باهردر

بوسیدندرکه عدلیه نظارت جلیله سی عموم محاکم دولت علیه ده جریان ایده جک مهم محاکمه لک صور جریانیه سنی جریده محاکم ایله

اعلان ایتمکی تسبیب و بعدما مهم محاکمه و قوعبولدجه محکمه نک قانوناً تنظیمه مجبور اولدیغی محاکمه علنیه ضبط ورقه سندن بشقه اوله رق صورت جریان محاکمه بی تمامیه تصور یعنی او محاکمه ده هر نه سوبیلنش ایسه حرفیاً و نه کبی حرکات و اجراءت و قوعبولش ایسه کاملاً تزییر ایدر صورتده غایت مکمل و منتظم بر ضبط ورقه سی تنظیمه جریده محاکمه درج و نشر اولتیق اوزره ارسالی خصوصتک رؤسای محاکمه تبلیغ و ابا و بویله تقیدات لازمه نک بالاجرا مهم محاکمه لری و قوعبولدجه او بولده بر ضبط ورقه سنک رؤسای محاکمکن طلب و اخذیه اسرا اولتسنی امر عدله مفتش لکرینه محررات عمومیه دخی تسطیر و تسریب بیور مشدر

دیار بکر استیناف محکمه سی
جزا دیره سی رئیس خالده



محکمه تمیز جزا دیره سی

مستنطق تحقیقاتنی مدعی عمومی به تبلیغ ایله انک ادما و مطالعه سنی الدفدن صکره حق لرنده امار بولنه میانلرک منع محاکمه لرنه قرار ویره لک اصول محاکمات جزاییه قانون موقنتک یوز یکریمی ایکیجی و یوز یکریمی او چنجی ماده لری موجبجی سیلر ینی تخلیه ایتمکده مجبوردر هیئت اتهامیه مظنون علیه دن برینک جنحه ایله اتهام اولتسنی قرار مضبطه سنده کوسترش اولدیغی و بومضبط علیه نده مدعی عمومیک جانبدن برکونه اعتراض و قوعه کلدیکی حالده جنحه ایله اتهامی کوستریلان مظنون علیه ک جنایتله اتهامه قرار ویره مز

محکمه جده بر شاهدک افاده مضبوطه سنی قرائتله استجوابندن صرف نظر ایده مز هیئت اتهامیه مضبطه سی بر حکمی حاوی اولیوب لزوم محاکمه بی مبین و مجرمیت فراری ایسه ثبوت جرمی متضمن اولدیغی حالده اعلامک مجرمیت قرار یرنده مذکور هیئت اتهامیه مضبطه سنک تصدیقنه قرار ویرلدی عبارته مهمه سنک درجی خلاف قانون بر معامله در محکمه محاکمه لری طلب اولتسیان اشخاصک نه برائت و نه ده محکومیتلرنه قرار ویره بیلور مدعی عمومیک ادعای و متهم وکیلنک مدافعده سی اعلامه درج اولتیق لازم کلور بر جرمک فاعلنه معاونتی و قوعبولان شخصک اصل فاعلی کبی جزا دیده اولسنه حکم ایلدیسی اسباب موجبیه مستند اولتیق اقتضا ایدر و غائبده بولسان مظنون علیه حقنده قانونک تعریف ایتمدیکی معاملاتک اجراء اولتسامی نقض حکمی استزام ایلر

سله قصبه سنده ساکنه صالحه خاتونک صورت جبری ده قالدیرلسندن طولانی مظنون علیه اولوب جنایتله اتهام اولنان فراری دوه جی موسی اوغلی اجد ابله موقوف بونجیحی اوغلی اون طقوز یاشنده دیگر اجدک قونیه ولایتی محکمه استینافیه سی جزا دیره سنجیه محاکمه علنیه لری بالاجرا مرقومانک لیللاً و مسلماً مز بوره بی صورت جبری ده خانه سندن قالدیردق لری موقوف مرقوم بونجیحی اوغلی اجدک اقراری و فراری مرقوم دوه جی اجدک والده سی حوانک اخباری ایله ثابت اولدیغندن مجرمیتلرنه و قانون جزانک یوز طقسان سکرنجی ماده سنه توفیقاً بونجیحی اوغلی اجدک ابتدای تاریخ توفیق اولان طقسان طقوز سنه سی ربیع الآخرینک یکریمی ایکیجی کونندن و فراری مرقومک دخی در دست

اولنه جغی تاریخدن اعتباراً سکرز سنه مدتلرله کورکه قوللرنه فی ۲ جادی اولی سنه ۱۳۰۰ وفی ۲۸ شباط سنه ۹۸ تاریخنده و جاهاً و غیاباً قرار ویرلش ایسه ده اولباده صدور ایتمش اولان اعلام اوزرینه مدعی عمومیک جانب والاسندن اعطا قلنان تبلیغنامه ده اساس دهاویدن معدود اولوب قانوناً تنظیمی لازم کلان محاکمه ضبطنامه سنده شاهد ذیلان حوانک اصم اولدیغی جهتله اصول محاکمات جزاییه قانون موقنتک ایکیوز التمش سکرنجی ماده سنک خلافنده اوله رق استجواب اولتیوب اولجه ضبط اولتمش اولان افاده سنک قرائت ایدلیدی کوسترش اولدیغنه و حالبوکه ایکیوز سکسان ینجی ماده موجبجیه اصم اولتیق اسباب معذرتدن معدود اولیوب کندوسیه مبادله افکاره ک زیاده الفت و ملکه سی اولان بر یسنک ترجان تعیینله استجواب اولتسی اقتضا ایتمکده و هیئت اتهامیه مضبطه لری بر حکمی حاوی اولیوب انجیق ایشک محکمه جنایتله حواله سندن عبارت اولدیغی حالده (هیئت اتهامیه مضبطه سنک تصدیقنه متفقاً قرار ویرلشدر) عبارته سی مندرج اولوب بونک ایسه مغایر قانون اولدیغی درکار بولندیغنه و حکم غیابی حقنده دخی لازم کلان معاملاتک اجرا قلندیغنه دار صراحت کور یله مدیکنه بناء اعلام مذکورک کرک و چاهی و کرک غیابی اولان جهتلرنیک اوچیوز اون دردنجی ماده موجبجیه تقضی طلب اولتسیله محکمه تمیز جزا دیره سندن آتیده کی قرار اعطا قلنشدر

تدقیقات تمیزیه به ایتدار اولندقده بویله مستنطق طرفسندن ویرلش اولان قرار نامه ده مز بوره بی خانه سندن قالدیران مرقومانن فراری دوه جی

احد ايله اتمکچي حسين وديگر حسين و محمد و عمر اولدقلى ادا اولنمى اوزرينه اشخاص مرقومه نك چله سى بالتوقيف اجرا قلنان تهقيقات استنطاقيه تيجه سنده دوه جى اجدك مجهول الاسامى رفقاسيله مزبوره يى جبراً قالد يروب التى كون اخفا ايلديكى جهته له حر كتي يوز طقسان سكرنجي وديگر اجد مزبوره نك قالد يرلسنده بولنمى بولنجى خانه سنه قبول اتمسى جهته حر كتي ايكوز ايكچي ماده حكمنى مستنزم افالدين اولديغى وديگر لر ينك مدخلرينه دائر اماره انه ماش ايسه ده الان موقوف بولندقلى كوسترلش اولوب حالبوكه مستنطق تيجه تحقيقاتى مدعى عمومى به تبليغ ايله انك ادا و مطالعه سنى اللقدن صكره حقرنده اماره بولنه ميانلرك منع محاكلرينه قرار و يره رك سييللى تخليه اولنقى اصول محاكات جزايه قانون موقتك يوز يكرمى ايكچي و يوز يكرمى اوچنجي ماده لرى اقتضاسندن ايكن مستنطق طرفندن بوبابده مدعى عمومى ك طلب و اداسى صورلماش اولديغى كى حقرنده اماره كوريله ميانلرك منع محاكلرينه قرار اعطاسيله تخليه سييللى اجرا ايدلماش اولديغنه و هيئت اتهاميه جه دخی مظنون عليه مان برينك جناسيت وديكر ينك جنجه ايله اتهام اولملى مستنطق جانبندن اسباب موجب درميانيه طلب و ادا قلنش اولديغى و مستنطقك جنجه قرارينه مدعى عمومى بر كونه اعتراض ايتماش بولنديغى حالده مضبطة اتهاميه نك قرار محلنده مرقومانك هر ايكيسنك فعلى يوز طقسان سكرنجي ماده حكمنى مستنزم افعال جنايه دن اولديغى كوسترلش ومع مافيه فعلك تعريف جمليه قنقى نوع جرايمدن اولديغى تصریح قلنماشدر جريان محاكمه به كنجبه مذکور تبليغنامه ده

ايجانبجه نقض اعلام خرجى اولان ايكوز غروشلق اخذ و استيفاسنه قرار و برلى
 ~~~~~  
 محکمه تمیز حقوق دائره سى  
 اجر تك ضمانتله اجتماعى احكام مجله به مخالف اولديغندن نقض حكمنى موجب اولور اسكدارده سلاميه محله سنده ساكن خسرو افنديك شهزاده باشنده كاتن متصرف اولديغى مع كمر و جامكان بر باب عرصه يى وز نه جيلر جامى متصرفى على رضا افندى كفالتيله و بهر سنه باشنده بدل ايجار سنوبسى پشين و يرلك و و يريله مديكى صورته مرور ايله حك بهر كون ايجون بر عدد سيم مجيدى اعطا قلنقى مقاوله سيله و بش سنه مدته بر قطعه سند موجبجه شهزاده باشنده يكرمى بر نو مرولى قرا تخانه ده مقيم محمد افندى به ايجار ايدوب برنجي سنه بدل ايجارى وقت وز مانده تماما آلمش اولديغى حالده طقسان سكر سنه سى بدل ايجارى اولان اوتوز اوج عدد عثمانلى ليراسنى اخذ و استيفا ايله مديكندن بر موجب مقاوله مرور ايدن بهر كون ايجون بر رسم مجيديه نك كفيل مومى ايله على رضا افندين تحصيلنى در سعادت مركز بدايت محكمه سى برنجي حقوق دائره سنده طلب و دعوى اتمسى ولاجل الحاكمه اوج دفعه وقوعبولان دعوته مومى ايله جانبندن اجابت ايدلماسى حسيله تعيين قلنان وكيل مسخر مواجهه سنده اجرا قلنان محاكمه ده مومى ايله خسرو افنديك اداسى سالف الذكر سنده مؤيد اولديغنه و مومى ايله على رضا افنديك و برديكى سنده محرر و مندرج اولان كفالتى مقيد اوليوب بدل ايجار ك سنه باشنده اعطاسى و و يريله مديكى صورته مومى بر مجيديه نك

تأديه سى جله شرايطدن اولديغنه و قانوناً و نظاماً ممنوع اوليان مقاولات احكامنك مرعيت اعتبارى دخی اصول محاكمه حقوقيه قانون موقتك التمش در دنجي ماده سى اقتضاسندن بولنديغنه بناء مذکور ايكچي سنه ابتداسى بولنان طقسان طقوز سنه سى صفرينك يكرمى التنجي كونه دكين مرور ايدن يوز قرق كونك يوز قرق مجيديه ايله سالف الذكر اوتوز اوج ليرا بدل ايجار ك بقيه سى اولقى لازمكلان يكرمى ليرانك تأديه سنه قدر دخی يومى بر مجيدينك مع مصارف محاكمه كفالتيه بناء مومى ايله على رضا افندين تحصيلنه دائر لاحق اولان اعلام غيايى عليهنده افندى مومى ايله جانبندن اعتراض على الحكم عرضحالى اعطا و مومى ايله خسرو افندى طرفندن وقوعبولان طلب اوزرينه مستأجر محمد افندى دخی داخل دعوى ايدلمش اولديغندن او بابده اجرا قلنان محاكمه و جاهيه ده مومى اليهما على رضا و محمد افنديلر جانبندن مقاوله سننده مؤجر طرفندن اخطار و مطالبه وقوعبولقسز ين بدل ايجار ك تأديه قلمسى ماده سى عرف و عاده مخالف اولديغى كى بدل ايجار ك تأخير تأديه سى حالنده مومى بر مجيدى اعطاسى و مستأجر ك مأجورى آخره ايجار ايله مامسى حقدنه مندرج اولان شرايط مقاوله نك حكمسز لكنى استزام ايله جكى و مأجورك حين مقاوله ده تسليمى اجرا قلنماش اولديغى بولنده اعتراض درميان اولنمش ايسه ده ذكر اولنان مقاوله سندی زيرنده محرر و تحت اعترافنده اولان امضار مأجورك مقاوله نامه تاريخنده تسليم ايدلديكنه دلالت ايلديكى كى مأجور مذکورك مستعملنك استمهاليه مختلف اولان عقارات نوعندن اولديغندن آخره ايجاره عدم صلاحيت شرط لغو اولوب عقد ايجار ينك فسادينى استتزام اتمه جكنى بالبيان اعتراضات واقعه نك رديله قابل اعتراض اولماق

اوزره اعلام غیابی حکمتک تصدیقنه قرار برلش ایسه ده  
علی رضا افندی طرفندن وقوعبولان تمیز استدعاسی  
اوزرینه قرار مذکور محکمه تمیز حقوق دائره سنجه  
بعالتدقیق بوجه آتی نقض ایدلشد

ایجابی لدی المذاکره مذکور برنجی حقوق دائره  
سنجه مأجور مذکورک بدل ایجار سنوینسنتک  
بهر سنه باشنده بوجه پشین ایفاسی واعطا  
اولتدیغی تقدیرده مرور ایده جک بهرکون ایچون  
بر عدد سیم مجیدی اعطاسی طرفین بیننده تنظیم  
وتعاطی قلنان مقاوله سنندی جمله احکامندن  
اولسنه مبنی مذکور ایکنجی سنه ابتداسی بولنان  
طقسان طقوز سنه سندن مرور ایدن یوز قرق کون  
ایچون بر موجب مقاوله یومی بر مجید نیک حسب  
الکفاله مومی الیه علی رضا افندی تحویلنه حکم  
اولندقد نصرکه بدل ایچارک بقیه سی اولان یکریمی  
لیرانک تأدیه سنه قدر دخی یومی بر مجیدی  
اعطاسنه حکم اولتمش ایسه ده سالف الذکر یکریمی  
لیرا بدل ایچارک تأدیه سنه قدر یومی بر مجیدی  
اعطاسی احکام مقاوله خارجنده اولدیغی کبی  
اجرت مع ضمان مخذور بینی موجب وبو ایسه  
احکام مجله به مخالف اولدیغی حالده  
دائرة مذکور هجه بوجه نظر دفته التمسز بن  
احکام مقاوله خارجنده ومجله به مخالف اوله رق  
بقیه بدل ایچارک تأدیه سنه قدر دخی بر مجیدی  
اعطاسی لزومه دائره ویریلان قرار اخیر بولسز  
واحکام مجله به مغایر اولدیغنه ومستدعیان مومی  
الیها وکیلی ابراهیم شوقی افندیکنک باشلوجه  
اعتراضی بومرکزده اوله رق مصیب و بیجا  
کوردن یکنه بناء اصول محاکمه حقوقیه قانون  
موقنتک ایکیوز اونوز ایکنجی ماده سی موجب  
اعلام مذکور یا لکز بوجهتدن طولایی نقض

ایدلش اولغله جهت مذکور نک بوجه محر  
اصلاحیه قانونه موافق صورتده تحت حکمه التمس  
اوزره مصلحتک مذکور برنجی حقوق دائره سنه  
اعاده سنه واعلام خرجی اولان ایکیوز غروشه  
صورت وتبلیغ خرجی بولنان قرق غروشک  
یوز التمس غروش مصارف محاکمه ایله برابر  
مومی الیه خسرو افندی به عائد اولوق اوزره اول  
امرده مومی الیه محمد وعلی رضا افندیلردن  
استیفاسنه فی ۲۱ دی الحجه سنه ۳۰۰ تاریخده  
متقاً قرار ویریله رک وکیلان مومی الیه بیهامیه تفهیم  
قلندی

محکمه تمیز جزا دائره سی

برفلک جنحه نوعندن اولدیغی و بناء علیه جنحه  
دعوالرینی رؤیته مأمور اولان محکمه لره حواله  
کیفیت اولتمق اقتضایده جکی حقیقه هیئت اتهامیه دن  
ویریلان قرارلر قطعی اولیوب جنحه محکمه لری  
اکتابت ایدوب ایتمکده مخیر اولدقندن و اولباده  
جانب محکمه دن ویریله جک قراره احد طرفین  
راضی اولدیغی حالده تمیزه مراجعت ایده بیله  
جکندن قبل المحاکمه وطوغریدن طوغری به  
اوبولده صدور ایدن هیئت اتهامیه مضبطه لرینک  
تمیزاً فسحی طلب اولنه مز و فقط هیئت اتهامیه  
بر ماده قانونیه به نص عباره سی خارجنده معنی  
ویر ایسه بو خصوص وظیفه تی تجاوز دیمک  
اولدیغندن مضبطه سنک رأساً فسحی موجب  
اولور

کل حسن اوغلی علینک کیفیت جر حبله صول النک  
اشارت واورته بر مقررینک معطل فالسندن طولایی  
جنایتله مظنون علیه وموقوف بولنان یوصال

اوغلی یوسف ایله مرقوم علینک کیفیت ضربندن  
طولایی جنحه ایله مظنون علیه اولان دهده اوغلی  
صاتلمش وقهبسار اوغلی علی و یوسف زوجه سی  
فاطمه وقاین والده سی امهان وچنکل اوغلی احد  
حقرنده جریان ایدن تحقیقات استطاقیه به نظراً  
برعضوک اجزاسندن اولان بر مقرر قول وایاق  
وکوز کبی تام واشرف اعضادن معدود اولدیغندن  
مرقوم یوسفک جنایتله اتهامی قابل اولیوب  
حرکت واقعه سی قانون جزانک یوز تمش سکزنجی  
و دیگر لرینک دخی یوز تمش طقوزنجی ماده لری  
حکمنی مستلزم جنحه نوعندن بولتمش اولغله لوا  
بدایت محکمه سی جزا دائره سنده اجرای محاکمه لرینه  
خداوندکار ولایتی محکمه استیفایه سی هیئت  
اتهامیه سنجه قرار ویرلش و محکمه مذکور  
مدعی عمومیلکندن دخی اولباده صدور ایدن  
مضبطه نک تمیزاً فسحی استدعا قلتمش و باش مدعی  
عمومیلک مأموریت بهیه سندن اعطا قلنان تبلیغناه ده  
دخی محلی مدعی عمومیلکنتک تحریراتی تمیز استدعاسی  
مقامته قائم اوله میه جغی کبی اولسه بیله مضبطه  
مزبوره نک فی ۲۹ مارت سنه ۹۸ تاریخده  
مدعی عمومیلکه تبلیغ اولدیغی اخیراً سبق ایدن  
اشعار اوزرینه کلان جواب ایله تبلیغ بوصوله سندن  
اکلاشیلوب تحریرات مزبوره ایسه فی ۱۲  
نیسان سنه ۷۸ تاریخیه مورخ اولسندن ناشی  
اصول محاکمات جزایه قانون موقنتک اوچبوز  
یکرمی اوچنجی و اوچبوز یکریمی دردنجی ماده لری  
احکامجه مدت نظامیه سی ظرفنده تقدیم اولدیغی  
اکلاشیلدیغندن تمیز دعواسنک ردی لازم کلور  
ایسه ده مدعی عمومیلک طرفندن تطبیق قانون  
جهتجه سرد اولنان اعتراضات موافق قانون  
بولدیغنه و اصول محاکمات جزایه قانون موقنتک

اوچبوز قرق سکزنجی ماده سنده محاکم جزایه دن  
صوک درجده ویریلان بر اعلام شایان نقض  
اولدیغی حالده طرفیندن هیچ بری مدت معینه سی  
ظرفنده اقتضا ایدن ادعایی ایتمش بولسنه بیله  
محکمه تمیز زندنه بولنان باش مدعی عمومی اقتضای  
مدته باقیه رق کیفیت خبر ویره بیله جکی و او حالده  
او اعلام نقض اولسنه دخی طرفین بومفسوخیتدن  
بالاستفاده اجرای احکامنه اعتراض و مخالفت  
ایده میه جکری محرر بولتمش اولدیغنه مبنی طرفین  
استفاده ایتمک اوزره مضبطه مذکوره حکمتک  
نفعاً للقانون فسحی لازم کله جکی کوسترلش  
اولسی اوزرینه محکمه تمیز جزا دائره سنجه  
آئیده کی قرار اعطا قلندی

ایجابی لدی المذاکره هیئت اتهامیه لردن فعل مدعا  
بهک جنحه نوعندن اولدیغنه دائره ویریلان قرارلر  
کوندرکری محکمه ده بعد المحاکمه حکم لاحق  
اولدقندن صکره استدعا وقوعبولور ایسه تمیزاً  
رؤیت اولنه بیله جکندن ودعوائی مذکوره حقیقه  
اولان هیئت اتهامیه قراری دخی بوقبیلدن اوله رق  
هنوز قطعی وقابل تمیز اولدیغندن تمیزینی  
مستدعی ویریلان اوراقلک ردینه ومذکور هیئت  
اتهامیه نک ماده قانونیه نک نص و عباره سی خارجنده  
معنی ویره رک قرار واقعی اعطا ایتمش اولدیغی  
مضبطه اتهامیه مألندن اکلاشیلوب بوا یسه  
وظیفه سی خارجنده اولدیغندن ووظیفه وصلاحیت  
ماده لرینک رأساً تمیزینه ایجاب قانونی بولدیغندن  
مضبطه مذکوره نک فسحنه قرار ویرلدی

محکمه تمیز جزا دآره سی

هیئت اتهامیه دلائل و امارات موجوده نك قوته كوره مظنون علیهك جنایت و یا جنحه ایله اتهامه قرار و یرمکه و یا خود تحقیقاً نجه نقصان كورر ایسه لاجل الا کمال اعضاء برینی مستنطق تعیین ایلکه مجبور اولوب ایشك دائرة استنطاقه اعاده سنه قرار و یره مز . هیئت اتهامیه بر فعلك جنایاتدن معدود اولدیغنی اسباب موجب کوستر مکسزین تحت قراره اله مز حقوق عمومیه دن معدود دعاویده هیئت اتهامیه مدعی عمومینك ادعا و افاده لرینی استماع ایتکسزین یا لکز مدعی شخصینك وقوعه کلان اعتراضاتی اوزرینه تدقیق ماده ایده مز

تجار دن بقال باشی دامادی هلکساندیری بووانیدی بی ضرب و طاشچی اوغلی اغوبك باشی جرح وصول النك پارمقرندن برینی شکست ایتسندن طولایی مظنون علیه اولان اسکدار ناحیه سی مدیری حاجی قوندینك حرکتی قانون جزانك یوز یتش سکزنجی ماده سنه توفیقاً جنحه نوعندن بولندیغندن لزوم محاکمه سنه دائر مستنطق طرفندن و یریلان قرار نامه یه مدعی شخصی جائیندن اعتراض اولمقدن ناشی لدی التدقیق مرقومك حرکت واقعه سی قانون جزانك یوز یتش یدنجی ماده سی موجب جنایت درجه سنه کورلدیکندن مذکور قرار نامه نك فسخیله مرقوم حقه معامله قانونیه ایفا اولنق اوزره اورا قنك دائرة استنطاقیه اعاده سی حقه ادرنه ولایتی هیئت اتهامیه سندن و یریلان فی ۶ صفر سنه ۱۳۰۱ وفی ۲۴ تشرین ثانی سنه ۹۹ تاریخی مضبطه نك فسخنی ولایت مذکوره مدعی عمومی کی طرفندن مدت

قانونیه سی ظرفنده ادعا اولنسی و باش مدعی عمومیك مأموریت بهیه سندن اعطا قلنان تبلیغ نامه ده دخی محلی مدعی عمومیكك اعتراضاتی موافق حال اولدیغنی بیان اولمقله برابر مستنطق قرار نامه سنه مجروحك یا لکز بر پارمغنی معطل قلمسی قانونك بیان ایتدیکی تعطیل عضو قیلندن اوله میه جغنی جهته مدیر مرقومك یوز یتش سکزنجی ماده موجب جنحه ایله اتهامه قرار و یرلدیکی و اخیراً مجروحك معطل قالدی دنیلان پارمغك حال طبیعیسنی کسب ایدوب ایتدیکی حقه سبق ایدن استفساره جواباً مدعی عمومیكدن فی ۲۰ مارت سنه ۳۰۰ تاریخی تخریراتله مرسول مجلس صحیه نك معاینه راپورطنده دخی مرقومك بر پارمغك اصابع سائر سنه نسبتاً قوتدن دون وضعیتی باقی قالدیغنی کوسترلش اولدیغنی حالده هیئت اتهامیه مضبطه سنه اسباب موجب سنه بیان اولنق سزین ایشك جنایت درجه سنه عد اولنسی بولسز کورنمش و خصوصیه ایکوز اوچنجی ماده اقتضاسنجه هیئت اتهامیه نك وظیفه سی مظنون علیهك قانوناً جنایت عد اولنور بر فعلی مرتکب اولدیغنه دائر بر دلیل و یا خود براماره اولوب اولدیغنی و اولدیغنی حالده مدار اتهام اوله جق درجه ده قوی بولنوب بولندیغنی تدقیق ایتك و یا خود ایکوز اون یدنجی و ایکوز اون سکزنجی ماده احکامنجه تحقیقاً نجه نواقص کوردیکی حالده اکیال تدقیقات ایچون اعضاء برینی مستنطق تعیین ایلک ماده لرندن عبارت بولنمش ایکن مرقومك نه اتهامه ونه ده اکیال تحقیقات ایچون اعضاء هیئندن برینك مستنطق تعیینه دائر قرار و یرمکسزین یا لکز ایشك جنایت درجه سنه کورلدیکندن بحثله اورا قنك

استنطاق دائره سنه اعاده سنه قرار و یرمسی دخی وظیفه و صلاحیت قانونیه سی خارجنده بولنمش اولدیغندن اسباب مشروحه یه نظراً اصول محاکمات جزائییه قانونك اوچوز اون دردیجی و اوچوز اون طقوزنجی ماده لر احکامنجه مضبطه اتهامیه نك فسخنی لزومی کوسترلسی اوزرینه محکمه تمیز جزا دائره سندن آتیده کی قرار و یرلشدر

کیفیت تمیزاً تدقیق اولندقدن تبلیغنامه ده اعتراض اولندیغنی اوزره هیئت اتهامیه نك دلائل و امارات موجوده نك قوته كوره مظنون علیهك جنایت و یا جنحه ایله اتهامه قرار و یرمك و یا خود تحقیقاً نجه نقصان كورر ایسه لاجل الا کمال اعضاء برینی مستنطق تعیین ایلک وظائف اصلیه قانونیه سندن بولنمش ایکن بو ایشك دائرة استنطاقه اعاده سنه قرار و یرمسی وظیفه سی خارجنده اولدیغنی کبی وقو عبولان جرحك برکونه تعطیل عضوی منتج اولدیغنی معاینه راپورتنده مندرج بولندیغنی حالده تعطیل عضوک وجودینه دائر اسباب موجب بیان ایتکسزین فعل مدعی قانون جزانك یوز یتش یدنجی ماده سی موجب جنایت نوعندن عد ایتسی دخی اساساً فسخنی استنظام ایدر خطیاتندن بولندیغنه و خصوصیه بو ایش حقوق عمومیه دن بولندیغنی حالده ذکر اولنان ادرنه هیئت اتهامیه سی مدعی شخصی طرفندن مستنطق قرار نامه سی علیه نه وقوع عبولان اعتراض اوزرینه مدعی عمومیك ادعا و افاداتی استماع ایتکسزین ایشی تدقیق و تحت قراه المسی مغایر قانون اولدیغنه مبنی اصول محاکمه جزائییه قانونك ایکوز اون یدنجی و ایکوز الی دردیجی ماده لرینه توفیقاً مضبطه مذکور نك

فسخنه و کیفیت جنحه درجه سنه بولندیغنی جهته طائده اولدیغنی محکمه ده رؤیت اولنسنه قرار و یرلدی

محکمه تمیز جزا دائره سی

رسماً عکسی ثابت اولیان اعلامات مندرجاتك محقق عد اولنسی حکم قانون اقتضاسندن بولنمش اولمقله اعلامات مندرجاتی خلافنده وقوعه کلان اعتراضات مسموع اوله مز قره مرسل قضاسی ساکنه لرندن شوقی افندی زوجه سی ام کل خانم قره مرسلده کائن متصرفه اولدیغنی خانه سی اتصالیده قضاء مز بورده مقیم آجنته مأموری علی رضا افندیك مجدداً انشا ایتدیکی خانه نك حین انشاسنده کندوسنك دیوارینه متصل بولنان طمله لق محلنه احداث ایتدیکی لغم و مطبخندن طولایی خانه سنه طمله لق محلی بر اقامش و بوضورت خانه سی تملنه ایراث وهن و مضرت ایلیدجکی کبی درجه مضرتی دخی وقوع عبولان مراجعته مبنی اقدنجه شهرامانت جلیله سندن مأموراً کوندریلان مهندس خورشید افندیك اجرا ایتدیکی کشف و معاینه و تنظیم ایلدیکی خریطه دن اکلاشیله جفندن سالف الذکر لغم و مطبخك سدوقلعیه دفع مضرت ایلدسنی قره مرسل بدایت محکمه سنجه طلب و دعوی ایتسیله اجرا قلنان محاکمه و تدقیقات و کشف و تحقیقات نتیجه سنه موهی الیه علی رضا افندیك مذکور خانه سی حین انشاده سچاق نظامی و یرمدیکی کبی کندو طمله سی جریانه دخی بر اققسزین مز بوره نك خانه سی دیوارینه متصل بولنان سچاقی التده لغم و مطبخ

انشا ايتديكى واشبو مطبخ و لغمك مدعيه مزبوره  
 ام كل خانمك خانه سنه ايراث مضرندن خالى  
 اوليه جنى اكلاشلس اولديغندن مجله نك بيك يوز  
 طقسان طقوز و بيك ايكيوز اوتوزنجى ماده لرى  
 احكامنه توفيقاً مذكور لغم و مطبخك دفع والغاسيله  
 محل منازع فيهك طرفين خانه لرى مياننده طمله  
 جريانه مخصوص اولمق اوزره على حاله برارالمق  
 براغلسنه دائر و يريلان اعلام عليهنده مومى اليه  
 على رضا افندى جانبندن از ميد بدايت محكمه سنه  
 مراجعتله استيناف دعواسنه قيام اولمش ايسه ده  
 مستأنف عليها مزبوره ام كل خانمك وكيلى  
 جانبندن استيناف استدا نامه سنك قانونه موافق  
 صورتده تنظيم قلمامش اولمسندن طولايى اساس  
 ماده به كيريشلكسزى ردى ادعا اولمشى جهتيله  
 اول امرده بوجهتك حل و تدقيقه ابتدار ايله اجرا  
 ايديلان تدقيقات نتيجه سنده اصول محاكك حقوقيه  
 قانون موقتك يوز سكران التنجى ماده سى حكمنجه  
 استيناف استدارنده مستأنف و مستأنف عليهك  
 اسم و شهرت و محل اقامتريه اعلام مستأنف بهك  
 قنغى تاريخده مستأنفه تبليغ قلنديغى و مستأنف  
 حقسز چيقار ايسه مستأنف عليهك ضرر و زيان  
 و مصارف سفر به سنك تضمينه دائر بر موقع رسيدن  
 مصدق كفالت سنديك عرضخاله ربط ايدلديكى  
 كيفيتلى و مدت قانونيه ظرفنده مستأنف عليهك  
 محكمه به كلسى و يا خود بروكيل كوندرمى طلبى  
 درج و بيان اولتمق و اعلام مستأنف بهك  
 فسحنى موجب اولان حلل و اسباب قانونيه ذكر  
 و تصریح قلمق مقتضى و مشروط بولتمش اولديغى  
 حالده مار الذكر استيناف استدا نامه سى اشبو  
 شرائطى غير جامع اولمسنه و شرائط مذكوره بى  
 حاوى اوليان استيناف استدا لرينك ردى

ينه ماده مذكوره اقتضاسندن بولتمسنه مبنى ماده  
 مزبوره حكمنه توفيقاً مستأنف مومى اليه على رضا  
 افنديك سالف البيان استيناف استدا نامه سنك  
 ردينه حكم و قرار و يريلوب اولباده استينافاً  
 صدور ايدن اعلام عليهنده مومى اليه على رضا افندى  
 تمير دعوايه قيام ايتمش ايسه ده تقديم ايتديكى تمير  
 استداسى اسباب آيه به مبنى رد ايدلشدر  
 ايجابى لى المذاكره از ميد بدايت محكمه سى  
 اعلامك نتيجه مفادى مومى اليه على رضا افندى  
 جانبندن و يريلان استيناف استدا نامه سنك اصول  
 محاكك حقوقيه قانون موقتك يوز سكران التنجى  
 ماده سنده تعداد و بيان اولنان اسباب و شرائط  
 قانونيه بى غير جامع اولمسندن طولايى ردينه حكم  
 و قرار و يرلديكسزى عبارت اولوب اشبو حكم  
 عليهنده مستدعى مومى اليه على رضا افنديك  
 باشليجه اعتراضى سالف البيان استيناف استدا  
 نامه سنك حلل و اسباب قانونيه و شرائط لازمه بى  
 جامع بولتمش ايكن مندر جانبك تماماً اعلامه ترقيم  
 و تميق ايدلكسزى خلاف واقع اوله زق استدا نامه  
 مذكورك ناقص و شرائط قانونيه بى غير جامع اولديغى  
 بيانيله رد ايدلسى مغاير قانون اولديغى خصوصى  
 اولوب انجق اعلام مذكور مندر جانبندن مستبان  
 اولديغنه كوره مومى اليه على رضا افنديك اعطا  
 ايتمش اولديغى استيناف استدا نامه سنك قانون  
 موقت مذكورك سالف الذكر يوز سكران التنجى  
 ماده سنده تعيين و تصریح ايديلان اسباب و شرائطى  
 غير جامع اولمسندن طولايى ردى لازمكه جكى  
 حقدنه مستأنف عليها ام كل خانمك وكيلى  
 جانبندن درمیان اولنان اعتراض اوزرينه بوجهت  
 بالتدقيق استدا نامه مذكورك فى الحقيقه ماده  
 مذكوره ده كوستريلان اسباب و شرائط مقتضيه بى

حاوى اولديغى تحقق ايتمش اوزر بنه ردينه حكم  
 و قرار و يرلمش و رسماً عكسى ثابت اوليان بولملاو  
 اعلامات مندر جانبك محقق عدى حكم قانون  
 اقتضاسندن بولتمش اولمغله مستدعى مومى اليه على  
 رضا افندى جانبندن مندر جات اعلام خلافه  
 اوله رق درمیان ايديلان اعتراضات شايان قبول  
 و التفات كوريله مامش ايدوكندن اعتراضات  
 مسروده نك ردينه مذكور از ميد بدايت محكمه سى  
 اعلامك تصديقه و اعلام خرجى اولان ايكيوز  
 خروشه صورت و تبليغ خرجلى بولنان قرق  
 غروشه اون سكر غروش مصارفات محاكك ايله  
 برابر مستدعى مومى اليه على رضا افندى به  
 رجوع ايتمك اوزره اول امرده مدعى عليها  
 ام كل خانمك التمسنه ۷ جادى الاول سنه ۳۰۱  
 تاريخنده متفقاً قرار و يريله رك مزبوره به تفهيم قلندي

# اعلان

حسن اغايه طقسان ايكي بچق عدد بوزلك قائمه  
 مقابلنده وفاء و مواضعه فارغه اولديغى داود پاشا  
 اسكله سى جوارنده قره غولخانه قاشوسنده  
 كاشن بر باب خانه نك اعاده فراغى و ايشلس كرارك  
 مع مصارف محاكك تحصيلي حقدنه بوندن اقدام  
 ايكنجى حقوق دائره سنه تقديم ايتمش اولديغى  
 استدا اوزرينه مرقومه ايكي دفعه احضار به  
 تبليغ ايدلمش و بوكره دخى غيبوبت ايتمش اولديغندن  
 بحثله بوباده لازمكلان معامله قانونيه نك اجراسى  
 حافظ سعیده خاتم طرفندن استدا اولتمش  
 و محاكك نك اوچيوز سنه سى شهر ايلونك بكرمى

بشجى چهارشنبه كوفى ساعت بش راده لرنده  
 اجراسى مقرر بولتمش اولديغندن بوم و وقت مزبوره  
 مرقوم حاجى حسن اغانك در سعادت ايكنجى  
 حقوق دائره سنه بالذات كلسى و يا خود طرفندن  
 مصدق سنديلى بروكيل كوندرمى اقتضا ايله جكى  
 و عكسى حالنده حكم قانونك اجرا ايديله جكى اصول  
 محاكك حقوقيه قانونك بكرمى التنجى ماده سى حكمنه  
 استناداً اعلان اولنور

في ۱۵ ايلول سنه ۳۰۰

ابراهيم بكك  $\frac{201}{107}$  نومرولو اعلام موجبنجه  
 ديمترى به دينى اولان مبالغ معلومه نك تأمين  
 تسويه سى ضمننده سليمانيه محله سنده آجى چشمه  
 زقافنده واقع بكرمى طقوز نومرولو بر باب منزل  
 عرصه سيله بغيجه سنك فروختى مقرر بولنديغندن  
 تاريخ اعلاندن اعتباراً اون بش كون صكره مذكور  
 عرصه نك مع بغيجه بالزايده فروخت ايتدريله جكى  
 بك اوغلى بدايت محكمه سى اجرا مأموريتى جانبندن  
 اعلان اولنور

في ۱۵ ايلول سنه ۳۰۰

هرمز خانمك باجحت وصيه سى بولنديغى مصطفي  
 احسان بكك مفتى زاده كريمه سى فاطمه در به  
 خاتم ذمتمنده ايكنجى حقوق دائره سنندن صدور  
 ايدن في ۵ نيسان سنه ۳۰۰ تاريخلى اعلام  
 موجبنجه مطلوبى بولنان معلوم المقدار مبالغندن  
 طولايى مديونه نك تحت تصرفنده اولوب محجوز  
 بولنان اسكدار داخلنده بيوك چامليجه جوارنده

بلا مر مر برو ۱ معدنن معمول قریوله ۱  
 باعول صندوق ۲ مر مر صفره ۱ عادی تخته صفره ۲  
 کهنه حاصر صندالیه ۳ نحاس لکن ۱  
 یوزی بصمدهن معمول صندالیه ۱ زاقوم چیچی  
 مع صاقسی ۱ صوقوپه سی ۸ طاتلو کاسه سی ۳  
 اوفق لامبه ۱ شراب شیشه سی ۱ رافی شیشه سی ۴  
 چای قجانی ۱ قهوه قجانی ۳ صابونلق ۱ چای  
 سوزکچی ۱ سیغاره طباعی ۱ تیمور طوه ۱ تنکه تجره ۱  
 طباق صغیر و کبیر ۲۸ اوتو ۲ طوزلق ۱ نحاس تجره  
 مع قیاق ۲ قهوه طواسی ماکنه سی ۱ ساچ منقال ۱  
 اوچیوز سنه سی تشرین اولنک یدنجی بازار کونی  
 غلطه ده ملت خانی قارشوسنده مودامس زقاغنده  
 ۷ نومرولی خانه نک اوکنده بالمزایده فروخت  
 ایتدیر یله جکی بک اوغلی بدایت محکمه سی اجرا  
 مأموریتی جانبندن اعلان اولنور  
 فی ۲۴ ایلول سنه ۳۰۰

کشانلی مار یوریجه قادینک  $\frac{۲۰}{۱۱}$  نومرولی اعلام  
 موجبجه اسماعیل بک ورثه سی وسیله وامینه ثانیه  
 خانم رهدینی اولان مبالغ معلومه نک تسویه سی ضمنده  
 محجوز اولوب فروختی محکوم اولان بیوک اطه ده  
 مناسرترا جاده سنده متصرفه اولدیغی اون نومرولو  
 خانه سی تاریخ اعلانن اعتباراً اون بش کون  
 صکره بالمزایده فروخت ایتدیر یله جکی بک اوغلی  
 بدایت محکمه سی اجرا مأموریتی جانبندن اعلان  
 اولنور فی ۲۶ ایلول سنه ۳۰۰

صاری قبا نام محله قصقلی جاده سنده واقع مفتی  
 زاده امین افندی باغی دیمکله معروف یدی بیک  
 التیوز ارشوندن عبارت و دروننده کبیر بوستان  
 قبوسی بولنان قرق التی نومرولی برقطعه خراب  
 باغ محلنک تمامی التمش برکون ظرفنده منادی  
 واسطه سیله اجرا ایتدیر یلان مزایده علنیه سنده  
 لیرای عثمانی یوزغروش اعتبار یله اون درت بیک  
 یوز غروش بدل ایله طالبی عهده سنده تقرر التمش  
 و موقت قرار داده سی چکلمش اولغله بوندن زیادیه  
 یعنی یوزده بش ضمیمه طالب اولنلرک تاریخ اعلانن  
 اعتباراً اوتوز برکون ظرفنده دائره یه مراجعتله  
 بدل مقرر اوزرینه ضم ایتلمی در سعادت بدایت  
 محکمه سی اجرا دائره سنندن اعلان اولنور  
 فی ۲۲ ایلول سنه ۳۰۰

صدیقه خانمک اسکدارلی اوغلی یازمه جی سیمون  
 ذمتنده باعلام الاجنی اولان مبالغ معلومه یه مقابل  
 داینه مومی الیه عهده سنه و فاء فراغ ایدلمش اولان  
 اسکدارده سلامی محله سنده سلحدار انا زقاغنده  
 یکریمی التی نومروایله مرقم بر باب خانه نک نصف  
 حصه سنک فروختی محکوم اولغله تاریخ اعلانن  
 اعتباراً اون بش کون صکره مزایده سنه مبادرت  
 اولنه جنی اسکدار بدایت محکمه سی اجرا دائره سنندن  
 اعلان اولنور

فی ۲۲ ایلول سنه ۳۰۰

دلال یاقونک  $\frac{۱۰}{۱۱}$  نومرولی اعلام موجبجه ایلیا  
 برتویجه دینی اولان مبالغ معلومه نک تسویه سی  
 ضمنده تحت جزه النوب فروختی مقرر اولان